

萬有文庫

第二集百種

王雲五主編

元詩紀事

(四)

陳衍輯

商務印書館發行

元詩紀事

(四)

陳衍輯

國學書局

元詩紀事卷二十

楊允孚

允孚字和吉吉水人

灤京雜詠

北顧宮庭異氣清。神堯聖禹繼昇平。今朝建德門前馬。千里灤京第一程。此以下多述途中之景。行幸上京。蓋云避暑也。

納寶盤營象輦來。畫簾氈暖九重開。大臣奏罷行程記。萬歲聲傳龍虎臺。龍虎臺。納寶地也。凡車駕行幸。宿頓之所。謂之納寶。又名納鉢。

居庸千古翠屏環。飛騎將軍駐兩關。萬里車書來上國。太平弓矢護青山。兩關。謂南口北口。

穹崖幻出梵王宮。雙塔中間一逕通。四月雨餘山更碧。六龍行處日初紅。至正年間始營雙塔。宮闕巍峨。直通絕巔。

餽赤王侯部落多。香風簇簇錦盤陀。燕姬翠袖顏如玉。自按轅條駕駱駝。轅條。車前橫木。按之則輕重前後適均。

仙峽琴鳴水木多。別離見月奈愁何。題名石壁遼金字。宿雨殘風半滅磨。彈琴峽也。

狼山山下曉風酸。掩面佳人半怯寒。倚戶殷勤喚管粥。正宜倦客宿征鞍。俗實豆粥。

榆林御苑柳絲絲。昨夜宮車又黑園。宿衛一時金帳卷。鎗竿珍重白雲飛。此處有御苑黑園地名。大麗經由之所。俗云龍上槍竿。是以御駕不由此處。

汲井佳人意若何。輓轡渾似挽大河。我來濯足分餘滴。不及新豐酒較多。此地豎水故也。

馬上重看尖帽山。山頭無數白雲閒。漢家天子真龍種。坏土長陵爲設關。遇葬后妃之所。設衛卒焉。

驅車偏嶺客南還。始見胡姬笑整鬟。誰信片雲三十里。寒暄只隔此重山。人到此山頭之北。而不可洗頭。不可梳冷梅故也。過此始有暖意。非高嶺寒氣止隔于此。良可怪也。歟。

李陵亭畔野寒低。月白風清狼夜啼。健卒五千歸未得。至今芳草綠萋萋。此地去上京百里許。
鷺鷥陂上是行宮。又喜臨歧象馭通。芳草撩人香撲面。白翎隨馬叫晴空。由黑園至此。始合轡焉。即察罕驕兒白翎草地所產。

歡喜坡邊望禁城。鸞翔鳳翥卿雲清。舉杯一吸灤陽酒。消盡南來百感情。此以下敘灤京之景。及聖駕往還典故之大概。

鐵番竿下草如茵。澹澹東風六月春。高柳豈堪俱過客。好花留待蹋青人。郎幹耳朵。踏青人。指宮人也。

先帝妃嬪火失房。前期承旨達灤陽。車如流水毛牛捷。轡轡黃金白馬良。毛牛。其毛重地。火失。訖房。乃累朝后妃之宮車也。

聖祖初臨建國城。風飛雷動熱能驚。月生滄海千山白。日出扶桑萬國明。上京大山。舊傳有龍居之。奉白

宿通。

北闕東風昨夜回。今朝瑞氣集蓬萊。日光未透香煙起。御道聲聲駝鼓來。謂駝鼓也。

又是宮車入御天。麗姝歌舞太平年。侍臣稱賀天顏喜。壽酒諸王次第傳。千官幸御天門俱下馬。徒行獨至尊騎馬直入。前有教坊舞女引導。且歌且舞。舞出天下太平字樣。至玉階乃止。內門曰御天之門。

九奏鈞天樂漸收。五雲樓閣翠如流。宮中又放灤河走相國家奴第一籌。灤河至上京二百里。走者名貴赤。驀明放白灤河。至御前已初中朝者。上賞。

大安閣下晚風收。海月團圓照上頭。誰道人間三伏節。水晶宮裏十分秋。大安閣上京大內也。別有水晶殿。

四傑君前拜不名。輪蹄內直浹辰更。蓬萊山上羣仙集。得似王孫世祿榮。四傑即四怯薛也。或稱也。可怯薛者。即怯薛之稱。是之謂不名。當三間。凡所以浹辰一更者也。

北極修門不暫開。兩行宮柳護蒼苔。有時金鎖因何掣。聖駕棕毛殿裏回。棕毛殿在大幹耳朵。

千官萬騎到山椒。個個金鞍雉尾高。下馬一齊催入宴。玉闌下外換宮袍。每年六月三日。詐馬筵席。所以喻其盛事也。千官以雉尾飾馬入宴。

錦衣行處狻猊習。詐馬筵前虎豹良。特勅雲和罷絃管。君下有意聽堯綱。詐馬筵開。盛陳奇獸。宴享既具。必一二人。臣稱古愚皇帝。禮敬於是。而後禮有文。飲有節矣。雲和。署錄儀鳳司樂。掌天下樂工。

儀鳳伶官樂既成。仙風吹送下蓬瀛。花冠簇簇停歌舞。獨喜竛竊奏太平。儀鳳司。天下樂工。隸焉。每宴教坊。美女必化冠錦繡。以備供奉。

聿來新貢又殊方。重譯寧誇自越裳。馴象明珠龜九尾。皇王不寶壽無疆。禹嶽山有九尾龜。嘉魚貢自黑龍江。西域葡萄酒更良。南土至奇誇鳳髓。北陲異品是黃羊。黑龍江卽哈八部魚也。鳳髓。茶名。黃羊。北方所產。御膳用。

太平天子重文曹。閣建奎章選俊髦。一白六龍天上去。至今黃帕御牀高。昔文宗建奎章閣於大內。深麗掃。睹御榻之機。然感而賦此。

內人調膳侍君王。玉仗平明出建章。宰輔乍臨問鹽表。小臣傳旨賜湯羊。御前廚常膳。有曰小廚房。大廚房。小廚房。則內人入珍之奉是也。大廚房。則宣徽所掌湯羊是也。由內及外。外膳既畢。羣臣始入奏事。每湯羊一膳。具十六餐。餘必賜左右大臣。日以爲常。予常職賜。故悉其詳。

香車七寶固姑袍。旋摘修翎付女曹。別院笙歌承宴早。御園花簇小金桃。凡車中載固姑。其上羽毛又尺許。按付女持手持對坐車中。雖后妃駝象亦然。

內宴重開馬渾澆。嚴程有旨出丹霄。羽林衛士桓桓集。太僕龍車款款調。馬渾。馬嬋子也。每年八月。開馬嬋子宴。始奏起程。太僕寺掌馬者。

鸞輿八月政高翔。玉勒雌鞍萬騎忙。天上龍歸纔帶雨。城頭夜午又經霜。每年駕起。其夕即霜。異哉。南坡暖翠接南屏。雲散風輕弄午晴。寄與行人停去馬。六龍飛上計歸程。南坡。乃納寶地也。故遊人罕至焉。

月出玉孫獵兔忙。玉馳拾矢戲沙場。皮囊乳酒鑼鍋肉。奴視山陰對角羊。良馬驟馳拾墮箭。橋綠羊。或四

角六角者謂之迭角羊。迭義未詳。以其角之相對。故曰對角。一角雌奇。香味稍別。故不升之鼎俎。於以見天朝之玉食。有等差也。

雍容環佩肅千官。空設番僧止雨壇。自是半晴天氣好。螺聲吹起宿雲寒。四番種類不一。每卽殊禮。燕享大會。則設止雨壇於殿隅。時因所見。以發一嘲。

正元紫禁肅朝儀。御榻中間寶帕提。王母壽詞歌未徹。雪花片片彩雲低。此以下多敘一年之景。并雜詠之物。

試數窗前九九圖。餘寒消盡暖回初。梅花點遍無餘白。看到今朝是否株。冬至後貼梅花一枝於窗間。佳人曉妝。日以臨照。圖一圓八十一圈。既足。變作杏花。卽暖回矣。

脫圈窈窕意如何。羅綺香風漾綠波。信是唐宮行樂處。水邊三月麗人多。上巳日。禳京士女。競作繡圖。臨水棄之。卽修禊之義也。

葡萄萬斛壓香醪。華屋神仙意氣豪。酬節涼糕猶未品。內家先散小絨縹。重午節也。

百戲遊城又及時。西方佛子閤宏規。綵雲隱隱旌旗過。翠閣深深玉笛吹。每年六月望日。帝師以百戲入內。從西華入。然後登城設宴。謂之遊皇城是也。

紫菊花開香滿衣。地椒生處乳羊肥。氈房納石茶添火。有女褰裳拾糞歸。紫菊花惟藏京育之。名公多見題品。地椒草牛羊食之。其肉香肥。納石。韃靼菜。

爲愛琵琶調有情。月高未放酒杯停。新腔翻得涼州曲。彈出天鵝避海清。海青擊天鵝。新聲也。

海紅不似花紅好。杏子何如巴釐良。史說高麗生茱萸。總轡山後蘇。蘇香。海紅花紅。巴釐仁。杏果名。高麗人以生菜裹飯食之。尖山產蘇蘇。

偶因試馬小盤桓。明德門前御道寬。樓下綠楊樓上酒。年年萬國會衣冠。明德門。午門也。

怪得家童笑語同。門前驚見事奇哉。老翁揚鼠街頭賣。碧眼黃髯騎象來。黃鼠。海京奇品。

東風亦肯到天涯。燕子飛來相國家。若較內園紅芍藥。洛陽輸卻牡丹花。內園芍藥。遼寧。亭心直上數尺許。花大如斗。揚州芍藥。稱第一。終不及上京也。

時雨初肥芍藥苗。脆甘味壓酒腸消。揚州簾卷東風裊。曾惜名花第一嬌。草地芍藥。初生軟美。居人多采食之。

霜寒塞月青山瘦。草實平坡黃鼠肥。欲問前朝開宴處。白頭宮使往還稀。文宗曾開宴於南坡。故云。

雖然玉宇桂無花。秋比江南分外佳。絃管畫樓人散去。舍郎攜妓勸嘗瓜。俗以月下送瓜果往還上京。不產桂花。

御饌官廚不較餘。金門掌膳意勤如。更分光祿瓶中酒。爛醉歸時月上初。凡御膳及民間者。謂之貢餘。光祿寺掌御酒。

別卻郎君可奈何。教坊有令趣興和。當時不信郵亭怨。始覺郵亭怨轉多。興和署。通教坊司屬。掌天下優人。

出塞書牛瘦馬騎。野雲片片故相隨。凍生且慕雪堪理。冷人肝腸酒強支。凡凍耳鼻。即以雪揉之方回。近

火則脫。

買得香梨鐵不如。玻璃碗裏凍潛蘇。書生半醉思南土。一曲鉦前唱鷓鴣。梨子受凍。其堅如鐵。以井水浸之。則味回可食。

灤京雜詠。羅大已跋。楊君以布衣從當世賢士大夫遊。襍彼出門。歲走萬里。耳目所及。窮西北之勝。具江山人物之形狀。殊產異俗之瑰怪。朝廷禮樂之偉麗。尤喜以詠歌記之。予索居聞見甚狹。獨竊愛中臺馬公祖常。全章虞公集。翰林柳公賁時。能以雄辭妙筆。寫其一二。今得楊君是集。又爲增益所未見。俯仰今昔。又一時矣。

達不花

宮詞

墨河萬里金沙漠。世祖深思創業難。卻望闌干護青草。丹墀留與子孫看。

草木子。元世祖皇帝。思太祖創業艱難。俾取所居之地。青草一株。置於大內丹墀之前。謂之誓儉草。蓋欲使後世子孫。知勤儉之節。至正間。大司農達不花公。作宮詞十數首。其一云云。

鄭元祐

元祐。字明德。處州遂昌人。至正丁酉。除平江路儒學教授。有僑吳集。梧溪集。以右臂疾。左書。號尙左生。

溫日觀畫葡萄

伊昔錢塘溫日觀。醉兀竹輿殊傲岸。卻將書法畫葡萄。張顛草聖何零亂。枝枝葉葉點畫間。醉瞠白眼看青天。狂呼大盜楊郤統。天不汝誅吾厚顏。楊加罪死曾不畏。故老言之淚尚潸。畫成葡萄誰賞識。惟有鮮于恆噴噴。醉叩齋室支離疏。撫摩悲歎淚填臆。鮮于設浴師浣之。爲師滌垢曾弗辭。人言結機張廷尉。千載風流寧異茲。蔓如龍鬚實馬乳。問師揮毫奚獨取。只因漢使遠持來。野老詩成淚如雨。

遂昌雜錄。宋僧溫日觀。居葛嶺瑤瑤寺人。但知其畫葡萄。不知其善書也。今世傳葡萄多假。其真者枝葉鬚梗皆草書法也。嗜酒。楊總統以名酒啗之。終不一沾唇。見輒忿。嘗曰。掘墳賊。掘墳賊。惟鮮于伯機父愛之。溫時至其家。袖瓜啗其大龜。抱軒前支離叟。或歌或笑。每索湯浴。鮮于公必躬爲進澡豆。支離叟卽伯機家所種松也。

次韻錢伯行游仙體二首

海定神風湛綠羅。仙人辭藻寄來多。貫珠音在雲誰過。琢玉文成手自磨。憶昔絳河輕就別。至今黃竹不成歌。可憐人世書裙手。池上猶籠道士鵝。刺軋青年擬度沙。煌煌白兔豈無家。肉生徐甲符難祕。斧鈍吳剛桂始華。諱授寶書盟刻玉。醉離瑤席舞傳芭。竹宮望拜真癡絕。日日靈光在景霞。

詩藪全篇整麗首尾勻和

周伯琦

伯琦字伯溫。號玉雪坡。饒州人。由上舍生以蔭入官。至正間。官至江浙行省左丞。招諭張士誠。留

平江十餘年，張氏亡，歸蘇陽。時卒，有近光扈從兩集。

續吳先賢讚，假江東參政，招諭張士誠，遂沒士誠所，羈旅無聊時，與諸文士飲酒賦詩，流連日夜，或前而爲變徵之聲，皆垂淚涕泣，已又爲羽聲慷慨，士盡變色投袂，在吳十餘年，伯琦儀貌都雅，而非賤難才，虛談無實，雍容自免而已。

六研齋筆記：元周伯琦書相鶴經，自稱谷陽生，跋云：右經一卷，迺浮丘公授王子晉之書也。崔文子學道於子晉，得其文，藏嵩山石室中，淮南王采藥得之，遂傳於世。又系一詩云：江南羽化張天雨，海上神交宋仲溫。惜法鍾繇稱獨步，草臨臯象已專門。折釵未墜風前股，漏屋先凝雨後痕。寄語臨池諸俊彥，蜥蛇羅鷺莫須論。

案此首二筆上卷，又以爲張憲作。

立秋日書事三首

大駕留西內，茲辰祀典揚。龍衣遵質樸，馬酒薦馨香。望祭園林邈，追崇廟拓光。艱難思創業，萬葉祚無疆。近光集：國朝歲以七月七日或九日，天子與后素服，望祭北方陵園，奠馬酒，執事者皆世臣子弟，是日擇日南行。

鐵利標山影，金鋪耀日華。龍迴秋嶽雨，燕落晝翻沙。苑御調饒騎，宮官背轡車。長楊誰共賦，滿耳沸寒笳。近光集：上京西山，上樹鐵旛竿，高數十丈，以其下海中有龍，用梵家說，作此鎮之。

涼亭千里內，相望列東西。秋獵聲容備，時巡典禮稽。鵠鳬隨矢落，緞鹿應弦迷。乾豆歸時薦，康莊頌老倪。

近光集。上京之東五十里。有東涼亭。西百五十里。有西涼亭。其地皆饒水草。有禽魚山獸。置離宮。巡守至此。歲必獵較焉。

紀行詩二十四首錄十六

乘輿繼祖武。歲歲幸灤京。夏至今年早。山石久雨晴。日瞻黃道肅。夜拱北辰明。隨步窺形勝。周諏記里程。居庸東北路。草細一川平。夾岸山屏展。穿沙水帶縈。六龍扶日御。萬騎擁宸旌。遊豫諸侯度。歡歌兆姓迎。縉雲山獨秀。沃壤歲常豐。玉食資原粟。龍州記渚虹。荒祠寒木下。遺殿夕陽中。誰信幽燕北。翻如楚越東。右縉山縣。今名龍州。

車坊向平地。近嶺蒼生寒。拔地數千丈。凌空十八盤。飛泉鳴亂石。危磴疊重關。俯視人寰隘。真疑長羽翰。右十八盤嶺。

踰險夢頻悸。御夷氣始愉。下巖奇互獻。萬壑勢爭趨。峭壁劍門壯。重梁皇渚紆。凡鱗期變化。雷雨在斯須。右龍門。

嵐翠壓台斗。林雲隱日東。谷深幽壑迴。路轉列峰斜。錦石欹瑤草。蒼苔綴白花。柴門成聚落。山嶺盡人家。萬幕懸崖下。高低疎復稠。屬牆聯虎衛。輦殿聳龍樓。榆柳清長晝。松楓早秋威。容隆古昔神。武鎮中州高。嶺橫天出炎。天氣候涼白。沙深沒馬。碧草淺連岡。晨服增繇繇。寒鄉貴稍稍。土風多國語。閭井異尊常。晴川平似掌。地勢與天寬。煙草青無際。雲岡影四圍。貔貅環武陣。鸞鳳擁和鑾。高嶽南山寺。同承湛露歡。右沙嶺二首。是日上都守一官。道經至此。內廷小宴。

領西通驛傳山盡見郵亭萬竈閭閻聚千幟驃騎營市樓風策策野堠霧冥冥雄略舉秦隴孤兵笑廣青
右牛羣頭

涼亭臨白海行內駐黃岡只闕明清旭丹垣護碧楹龍湫時霧雨鷹署世衡庭駐驛元先軌長榻只一隅
右察罕驛兒猶漢言白海

地曠居人少山低雲影微石牆蟲避燥土屋燕交飛沙淨泉宜酒天涼秋台闕朔方戎馬最芻牧萬羣肥
右明安驛

漢將荒臺下潞河水北流歲時何袞袞風物尙悠悠川草花芬郁沙禽語滑柔莫梁遺句在過客重綢繆
右李陵臺

恒州當孔道城築自唐時翊輔千年盛川原萬里夷草滋新雨歇雲起遠山移迎送官僚習長懷破春私
右恒州古烏丸地也

南坡延勝槩一舍抵開平地蘊清涼界天開錦繡城雷轟蛇鼓振霞綺象輿行填道都人士瞻前戴聖明
右南坡

巡守綏畿甸游從覽近風山川隨地異聲教此時同王業艱難遠神都制作雄按行循故事不用避高驄
扈從詩前序至正十二年四月伯琦由翰林直學士兵部侍郎拜監察御史視事之三日大駕北
巡上京例當扈從啓行至大口留信宿膳皇后店早角至龍虎臺皆納鉢猶漢言頓宿所也龍虎
臺在昌平境又名新店距京師僅百里五月一日過居庸關而北遂自東路至雲山明日至車坊

在縉山縣之東。沃衍宜粟。歲供內膳。又明日入黑谷。過色澤嶺。高峻曲折。凡十八盤。遂歷龍門。及黑石頭。過黃土嶺。至程子頭。又過磨兒嶺。至顧家營。歷白塔兒。至沙嶺。白車坊黑谷。至此凡三百一十里。皆深林複谷。郵驛僻處。山路將盡。兩山高聳如洞門。尤多巨材。近沙嶺。惟土山連亘。地皆白沙。深沒馬足。過此則朔漠平川如掌。天氣陡涼。風物大不同矣。遂歷黑鬍兒。至失八兒秃。地多泥淖。又名牛羣頭。其地有驛。有郵亭。有巡檢司。園圃甚盛。驛路至此相合。北皆芻牧之地。無樹木。徧生地椒。野苢香葱韭。芳氣襲人。草多異花五色。有名金蓮花者。似荷而黃。至察罕腦兒。猶漢言白海也。水凜深不可測。氣皆白霧。其地有行在。宮曰嘉慶。闕庭如上京。而殺焉。置雲需總管府。以掌之。沙井甘潔。釀酒以供上用。又作土屋舍。鷹房。駐蹕於是。秋必校獵焉。此去納鉢曰鄭谷店。曰明安驛。泥河兒曰李陵臺驛。雙廟兒。遂至桓州。曰六十里店。即烏丸地也。前至南坡店。去上京一舍耳。以是月十九日抵上京。歷納鉢凡十有八。爲里七百五十有奇。爲日二十四。大抵兩都相望。不滿千里。往來者有四道。曰驛路。曰東路。曰西路。東路二者。一由黑谷。一由古北口。古北口路。東道御史按行處也。伯琦往年分署上京。但由驛路而已。黑谷輦路。未之前行。因忝法曹。肅清穀下。遂得見所未見。實爲曠遇云。鄱陽周伯琦白敘。

懷禿腦兒作漢言後海也。

侵晨離白海。輦路轉西邁。野光散平蕪。山容列修黛。秋風動地來。曾波忽澎湃。戎馬多驚嘶。寒聲襲鞶帶。踰岡覽晴川。夷曠襟抱快。白花間紫蕤。將將委珩珮。幽興足目前。絕境疑方外。旌麾匝雲屯。輿輶擬行在。

法從各有司。諫垣敢荒怠。邊報叢遠幽。蒼黃盡吁怪。解鞍惕前邨。伏枕念當代。王綱未旋綴。羣生半鹿芥。紆軫誰與言。沉思屢長嘅。東南何時蘇。吾欲問大塊。是日驛報杭省有警。

鴛鴦樂作

官路何逶迤。里數不可度。宿止有常程。晚次鴛鴦樂。山低露草深。天朗雲氣薄。積水風颼颼。平沙煙漠漠。鳬鷺雜翔集。巨鱗條濟躍。居人歲取給。遠眺近一勺。原隰多種蔬。農蹊大牙錯。場圃盈粟麥。力穡享秋穫。舒徐八駿遊。相羊瑤池樂。山川豈不佳。人事日蕭索。芻牧紆邦供。征徭非昔昨。都人望翠華。朝朝候帝鵲。興和郡屬河東。憲司按部西抵太原千餘里。

我行已旬浹。所歷皆朔漠。興和號上郡。陂陀具城郭。灤陽界東履。汾晉直西略。提封廣以遐。編氓半土著。連甍結貫區。曾樓瞰寥廓。要會稱雄麗。勢壓諸部落。興王遠垂裕。百載承制作。北巡必西還。遠擬東邑洛。供億須浩繁。撫循在恭恪。四鄰慎備虞。三輔嚴寄託。賢愚不同調。蟲沙與援鶴。長顧四海清。漢儀歲輝燦。野狐嶺嶺界南北。甚寒。南下平地則曠矣。

高嶺出雲表。白晝生虛寒。冰霜四時凜。星斗只尺攀。其陰控朔部。其陽接燕關。澗谷深叵測。梯磴紆百盤。坳坳草披拂。崎嶇石磴阮。輪蹄紛難還。我馬習以安。悅然九天上。熙熙俯人寰。連岡東重隘。拱揖猶城垣。停鞭履平地。回首勢望尊。繇衣遂頓減。長途汗流漣。亭柳蔭古道。園果登御筵。境雖居庸北。物色幽薊前。始悟一嶺隔。氣候殊寒暄。小邑名宣平。相距兩舍間。牛羊歲蕃息。土沃農事專。野人敬上官。柴門莫款延。休養嘉承平。禹迹邁古先。漢唐所羈縻。今則同中原。大哉輿地圖。垂創何其艱。張皇我六師。金湯永深堅。

自順寧府歷勘兒嶺臨渾河上源過雞鳴山晚宿雷家驛

郡治頗清曠，民俗亦樸淳。川原西成饒，景物娛征晨。登頓未及哺，修嶺忽前陳。亂石森礧礧，濁流奔沄沄。斗崖鳴湏洞，險逕緣鄂嶺。園林暗回隄，峰巘排秋旻。海鷗奮凌風，江蛟歛乘雲。雞鳴俗語傳，世遠昧所因。招提據危巔，略口門天津。睥睨窮豪芒，翁忽叢鬼神。六龍行中天，壯觀齊崑崙。造設開闢先，顯耀當茲辰。垂髫耳已熟，華顙目方親。甚欲恣冥搜，赤日昏黃塵。紀勝猶挂漏，觀風能宣旬。

懷來縣

山風日多寒，近燕苦秋陽。懷來雖小縣，肇置自李唐。泉甘沙井冽，橋古川流長。重岡相抱環，遠山勢低昂。鬱輿藏西還，仰朝迎道傍。蟠桃白寶盤，敬上萬年觴。二登調玉樹，翠聚樂康莊。舌阜仁聖君，勳必循彝章。宵旰貽近憂，苗頑尙跳梁。所貴根本固，忍此枝葉傷。思見萬邦寧，野無遺賢良。

榆林驛漢史稱榆谿，唐即此也。

昔人多種榆，今人惟種柳。堅脆雖不同，氣盡同一朽。此地名榆林，自漢和傳舊。但見柳青青，夾路忘炎晝。行旅蘇汗渴，車騎藉蔭覆。培植將百年，柯葉日滋茂。驛亭當要衝，人煙紛輻湊。崇山峙東西，步障明錦綉。輦路中平平，形勝信天授。宛如道衡廬，中流望雲岫。初夏別都城，攀條集親友。茲還秋將中，涼颼滿衣袖。物態有變容，歲月如反手。不問柳與榆，生意要悠久。

入居庸關

出關復入關，五月見上弦。草木雖未霜，寒色已淒然。厓路何紆縈，疊嶂橫中天。上有太古石，下有無底泉。

幽致良足嘉。萬甯奈喧闐。馴象寶轡鳴。紫駝錦幃鮮。鐵騎簇雲隊。黃屋循星躔。時巡謐風俗。執法恭後先。澤官國同休。拔宅如登仙。細民終歲勞。輸轉百片煎。苦樂殊霄泥。使我中心悵。偶經巖谷勝。復憶江湖端。升高望白雲。楚天浩無邊。王師未休息。敢賦歸來篇。

龍虎臺在昌平境北距居庸關廿五里。

巍巍百尺臺。蕩蕩昌平原。隆隆鎮天府。奕奕環星垣。居庸亘北紀。隩區斂全燕。蒼龍左蟠拏。白虎右踞蹲。斯名豈易得。天以遺吾元。明明傳正統。聖子及神孫。巡歸遂駐蹕。衣冠照乾坤。山川皆改容。草木亦被恩。章華民力竭。柏梁侈心存。豈若因自然。張設一旦昏。雄偉國勢重。簡儉邦本敦。年年舉盛典。宮中奏宴門。大口其地育三大壩。土人謂之三疙疸。距都北門二十里。

三垓何崇崇。遙直都門北。天蕭烟嵐青。野迴露草白。紫氣千里臨。蜺旌拂秋色。文武迫蒼倪。拊舞拜路側。萬羊肉如陵。萬壺酒如澤。國家富四海。予以著功德。詰朝御大明。湛露春拍拍。簫韶殷九天。歡聲溢達陌。非才忝扈從。所職陳典則。皇其奠泰山。億兆究安宅。

扈從詩後敘。車駕既幸上都。以六月十四日。大宴宗親世臣。環衛官於西內樓殿。凡三日。七月九日。望祭園陵。竣事。屬車帳皆南向。彝典也。遂以二十二日。發上都而南。宿六十里店。納鉢。越三日。至察罕腦兒。由此轉西。至懷禿腦兒。猶漢言後海也。有大海在納鉢後。故云。曰平陀兒。曰石頂河兒。上人名爲鴛鴦潭。其地南北皆水。水禽集育其中。國語名其地曰遮里哈刺納鉢。猶漢言遠望則黑也。兩水之間。壤土隆阜。諸部與漢人雜處。因商而致富者甚多。自察罕腦兒至此百餘里。皆